

Diseimbangkan dengan kemajuan teknologi

# Dr M: Strategi baru industri akan dilancarkan

NEW DEUHI, Isnin

**KERAJAAN** akan mengemukakan satu strategi pembangunan perindustrian melibatkan sektor swasta dan awam dalam Rancangan Malaysia Keempat yang akan dilancarkan akhir tahun ini, kata Timbalan Perdana Menteri, Datuk Seri Dr. Mahathir Mohamad, di sini hari ini.

Beliau mengumumkan demikian ketika ditemuramah wartawan Malaysia yang mengikuti rombongan ke India.

Strategi tersebut, katanya, mempunyai tujuan utama mengurangkan pengangkutan Malaysia kepada import barang-barang pengguna, alat perkakas membaiki jentera, jentera berat serta barang separuh proses, termasuk besi waja dan petrokimia.

Datuk Seri Dr. Mahathir berada di sini untuk menghadiri sidang Pertubuhan Pembangunan Perindustrian Pertubuhan Bangsa-bangsa Bersatu (UNIDO) hari ini.

"Kita tidak boleh berleengah-legh lagi untuk mengambil langkah tegas mengenai pembangunan perindustrian. Sekiranya kita tidak berusaha dari sekarang, memang sukarlah bagi kita menempuh proses perindustrian," katanya lagi.

Malaysia, teganya, perlu mengambil keputusan apakah keutamaannya sekarang dan sekiranya mahukan pembangunan perindustrian, Malaysia perlulah pula mengambil langkah-langkah ke arah itu.

Mengenal lawatannya ke India, Datuk Seri Dr. Mahathir berkata negara ini mempunyai banyak potensi untuk membantu Malaysia menerusi pengalamannya, dalam pembangunan perusahaan secara kecil-kecilan.

## Berlembihan

Industri secara kecil-kecilan, tambah beliau, adalah khusus untuk menampung tenaga buruh yang berlembihan di India yang mengeluarkan kereta dan barang-barang lain termasuk pisau cukur.

Bagaimanapun, Malaysia tidak seharusnya meniru India sepenuhnya kerana Malaysia mempunyai pasaran tempatan yang terhad serta mempunyai masyarakat pengguna yang moden akibat pengaruh, katanya.

"Tetapi, sekiranya Malaysia tidak mula mengambil inisiatif untuk memasuki bidang perindustrian, sudah tentu kita tidak akan berjaya memasuki lapangan tersebut buat selamanya.

"Kian hari industri yang kebanyakannya bergantung kepada teknologi yang diimport akan berkembang. Dengan itu adalah sukar bagi kita menembusi lapangan itu," katanya lagi.

Oleh itu, Datuk Seri Dr. Mahathir menegaskan, Malaysia perlu berkhidmat menyatukan kehendak tempatan dengan permintaan tempatan, di samping memajukan perindustrian masyarakat tempatan.

Datuk Seri Dr. Mahathir dijangka menghuraikan masalah perindustrian di sidang pleno UNIDO dalam konteks perdagangan antarabangsa esok.

Bahan asal dari Arkib  
Negara Malaysia